

Puo ya Bophatlalatsi ba Ditaba

LETONA LA DITJHELETE LE KHOMISHENARA YA SARS BA ETELA ALBERTON HO LEKOLA BOEMO BA HO LOKELA SEHLA SA HO FAELA SA 2025

Tshwane, 7 Phupu 2025 — Mong. Enoch Godongwana, Letona la Ditjhelete, le Mong. Edward Kieswetter, Khomishenara ya SARS, kajeno ba etetse lekala la SARS mane *Alberton Taxpayer Service Centre* ho lekola boemo ba ho lokela ditaba nakong eo ho qalwang ka Dihlahlobo tsa Othomathike, tse qalang ka la 7 ho isa ho la 20 Phupu 2025.

Letona Godongwana le Khomishenara Kieswetter ba ile ba buisana le balefalekgetho, bao bongata ba bona ba neng ba etese ofisi ho ya ntjhafatsa le ho nnetefatsa dintlha tsa bona tse ngodisitsweng, ho akareditswe le ho fetolwa ha di-imeile, lesedi la banka mmoho le dinomoro tsa selfounu. Ba bang ba balefalekgetho bana ba ne ba etetse lekala ho ya phethela merero ya bona e mabapi le dikoloto tsa bona tsa lekgetho tse morao mmoho le dikgutliso tsa bona.

SARS e se e qadile ho ntsha **Dihlahlobo tsa Othomathike** bakeng sa balefalekgetho bao merero ya bona ya tsa lekgetho e sa rarahanang hakaalo. Ebang molefalekgetho a dumellana le Hlahlobo ya Othomathike, ha a hloke ho etsa letho. Kananelo eo ke ya othomathike, ka hona molefalekgetho ha a hloke ho ya ananela Hlahlobo ya Othomathike hape. Balefalekgetho ba eletswa hore ba emele ho fumana imeile kapa SMS pele ba ka kena ho eFiling kapa ho SARS MobiApp.

Dipusetso tse fetang R100 tse kolotuwang balefalekgetho di tla leshwa ka tsela ya othomathike diakhaontong tsa bona tsa banka nakong ya dihora tse 72 ka mora hore ba phethele dihlahlobo tsa bona.

Sehla sa ho Faela sa 2025 se buletswe **balefalekgetho bao e seng ba nakwana** le ba bang **bao e leng ba nakwana ba sa kang ba hlahlojwa ka tsela ya othomathike**. Nako ya ho faela bakeng sa balefalekgetho bao e seng ba nakwana ke ho tloha ka la 21 Phupu ho isa ho la 20 Mphalane 2025. Nako ya ho faela ya balefalekgetho ba nakwana e kwala ka la 19 Pherekong 2026.

Ela hloko matsatsi a latelang bakeng sa Sehla sena sa ho Faela:

- **ho nthuswa ha ditsebiso tsa Dihlahlobo tsa Othomathike:** 7–20 Phupu 2025
- **balefalekgetho ka bomong (bao e seng ba nakwana):** 21 Phupu–20 Mphalane 2025
- **Balefalekgetho ba nakwana:** 21 Phupu 2025–19 Pherekong 2026

Ho ipiletswa ho balefalekgetho hore ba dule ba fadimehile le ho boloka dintlha tsa bona e le sephiri. Ha re ntse atamela ho qala ha Sehla sa ho Faela, ho tla ba le meritaoke e

mengata ya baqhekanyetsi ba tla leka ho qhekanyetsa balefalekgetho. Baqhekanyetsi bana ba ka ikgakanya ho ba bahlanka ba SARS le ho utswa dintlha tsa balefalekgetho ka ho ba eka hore tobetse dikgokanyo kapa ka hore ba lefe tjhelete diakhaonong tsa bona. SARS e keke ya kopa balefalekgetho ho sebedisa kgokanyo efe kapa efe. Balefalekgetho ba tlameha ho sireletsa dintlha tsa bona tsa ho kena ho eFiling le ho sebedisa ditsebi tsa lekgetho tse ngodisitsweng.

Lesedi le mabapi le boqhekanyetsi ba moraorao tjena le ka fumanwa websaeteng ya SARS e leng www.sars.gov.za. Ho tlaleha kapa ho fumana lesedi le leng le mabapi le leraba la ho tshwasa, balefalekgetho ba ka romela imeile ho phishing@sars.gov.za.

Ho qoba dikotlo, balefalekgetho ba tlameha ho fana ka lesedi le nepahetseng ka nako. Hore Sehla sa ho Faela sa 2025 se thelle feela le ho ba bonolo, balefalekgetho ba ipiletswa ho sebedisa dikanale tsena tse latelang tsa dikgokahanyo le SARS:

- **Websaete ya SARS:** etela www.sars.gov.za mme o tobetse hodima konopo e reng “Individuals”.
- **SARS Online Query System (SOQS):** <https://tools.sars.gov.za/soqs>.
- **SARS WhatsApp:** romela “Hi” kapa “Hello” ho 0800 117 277.
- **Thuso ya Mahlale a Maiketsetso (AI)** e fumanehang 24/7 mane websaeteng ysa SARS ho araba dipotso tsa hao.
- **Letsetsa *134*7277#:** ho fumana ditshebeletso tsa SARS.
- **SARS YouTube:** etela @sarstax ho fumana dividiyo tsa tataiso.

Ha ho hlokehe hore o etele lekala la SARS. Ebang o qobelleha, etsa kopo ya kopano ho qoba mela e melelele.

Letona Godongwana o boletse hore o kgotsofaditswe ke boemo ba ho lokela ditaba hwa SARS hore e tle e tsebe ho ba le Sehla sa ho faela se atlehileng le se bonolo bakeng sa balefalekgetho. Khomishenara Kieswetter o kgothaleditse balefalekgetho ho sebedisa dikanale tsa SARS tsa dijithale ho buisana le mokgatlo. O boletse hore “balefalekgetho ha ba lokela ho ipeha kotsing ya boemo ba lehodimo nakong ena e batang le ho tla ema meleng. Ba ka phetha mereo ya bona ya lekgetho ba ituletse hamonate malapeng a bona, hona le ho lefa ditjhelete tsa maeto a ditekesi.

Ho fumana lesedi le fetang lena, ka kopo ikopanye le SARSMedia@sars.gov.za.

07 PHUPU 2025: LETONA LA DITJHELETE LE KHOMISHENARA YA SARS BA ETELA ALBERTON HO LEKOLA BOEMO BA HO LOKELA SEHLA SA HO FAELA SA 2025



Setshwantsho sa: 1 Puisano le Motsamaisi wa SARS Alberton Service Centre - Jenny Kotze, Khomishenara ya SARS Kieswetter le Letona la Ditjhelete Godongwana













